



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ioannis Bugenhagenii Pomerani Annotationes ab ipso iam  
emissæ. In Deuteronomium**

**Bugenhagen, Johannes**

**Basileae**

**VD16 B 9247**

Historia diei Palmarum.

**urn:nbn:de:hbz:466:1-36133**

pure profitentur, ne scilicet perdant locū & gentem,  
gloriam & uentris commodum.

### Historia diei Palmarum.

- Math. 21.** Postero autem die, id est, dominica Palmarum cum esset circa Bethphage iuxta montem oliuarum, misit duos ex discipulis suis dicens, Ite in castellum etc. Plurima autem turba strauerunt uestimenta sua in uia,
- Luce. 19.** alij uero ramos palmarum, Cum autem appropinquaret iam ad descensum montis oliueti, cœperūt omnes turbæ descendentium gaudentes laudare deum uoce magna, super omnibus quas uiderant uirtutibus, dicens.
- Math. 21.** Osanna filio dauid. Benedictus qui uenit in nomine domini rex Israël. Osanna in altissimis. Benedictum quod uenit regnū patris nostri Dauid, Osanna
- Luce. 19.** in excelsis, Pax in cœlo & gloria in excelsis. Et quidam phariseorū de turbis dixerūt ad illum, Magister increpa discipulos tuos. quibus ait, Dico uobis, q̄ si hi tacuerint lapides clamabūt. Et ut appropinquauit, uidentis ciuitatem fleuit super illam, dicens etc.
- Math. 21.** Cū uero intrasset ciuitatē, cōmota est uniuersa ciuitas, dicēs. Quis est hic? Populi autē dicebāt. Hic est Iesus propheta à Nazareth Galilææ. Pharisei ergo dixerūt ad semetipsos. Videtis q̄ nihil proficitis. Ecce mundus totus post eū abit. Erāt autē quidā gētiles siue Græci, ex ijs q̄ ascenderāt, ut adorarēt in die festo etc. que sequuntur in Ioan. usq; dū lucē habetis, credite in lucē ut filij

ut filij lucis sitis. Vnde uidere licet quā non dilectus sit hac gloria Christus. Agnus enim hic introducebatur electus ex grege ante quinq; dies Paschæ. i. decima die mēsis primi, Exo. 12. sed ad quid? nempe ad imolandum. Hinc illa angustia Christi sed oīa cōmittentis patri, qui ita erat eū cū ipsius regno glorificaturus.

Et ingressus in templū eiciebat omnes uendentes Matt. 21.  
in templo & ementes, & mensas nummulariorū, & cathedras uendentium columbas euertit, dicens, Scriptum est, Domus mea domus orationis uocabitur omnibus gentibus. Vos autē fecistis illam speluncam latronum. Non obscure significabat ad ecclesiam illam sanctorum non pertinere qui fures & latrones pretextu cultus dei sua quærunt, ad Euangelizandū non magis apti quā equus & mulus, cum tamen solo dei uerbo consulatur ecclesie dei. Simile huic fecerat Christus Io. 2. primo suæ prædicationis anno.

Et accesserunt ad eum cæci & claudi in templo & Matt. 21.  
sanauit eos. Videntes autē principes sacerdotum & scribæ miracula quæ fecit, & pueros clamantes in templo & dicentes, Osanna filio Daud, indignati sunt & dixerunt ei, Audis quid isti dicunt? Ait, Vtiq; Num quā legistis, Ex ore infantium & lactentium perfecisti laudem? Et circūspectis omnibus rebus cum iam uespera esset, exijt in Bethaniam cum duodecim. Mar. 11.

Cum ergo tanta signa fecisset coram eis, non crede Io. 11.

bant in eum, ut sermo Esaię impleretur &c. Multi tamen ex principibus crediderunt in eum, sed propter phariseos non confitebantur, ut de synagoga non eicerentur. Dilexerunt enim gloriam hominum magis quam gloriam dei &c. Corde quidem creditur ad iustitiam, sed ore fit confessio ad salutem. Et qui erubuerit, inquit, de me coram hominibus, erubescam et ego de eo coram patre meo et angelis eius. Verum fragilitatem nostram libenter interim fert ille qui omnia fert nostra peccata dum non negamus eum.

### Historia ferię secundę post dominicam Palmarum.

**Mar. 11.** Postera die, id est, ut nunc dicimus, bona secunda feria,  
**Matt. 21.** mane cum exiret a Bethania reuertens Hierosolymam esuriit. Cumque uidisset a longe ficum habentem folia, uenit si quid forte inueniret in ea. Et cum uenisset ad eam, nihil inuenit preter folia, Non enim erat tempus ficuum. Et dixit ei, iam non amplius in æternum ex te quisquam fructum manducet, Haud dubie significans perpetuam excacationem illorum ex quibus per oblatum Euangelium fructum frustra quaesierat. Et audiebant discipuli eius, et ueniunt iterum Hierosolymam.

**Mar. 11.** Et cum introisset in templum cepit eicere ementes et uendentes in templo, et mensas numulariorum cathedrasque uendentium columbas euertit, et non sinebat ut quisquam transferret uas per templum, et doce